

**Cofnodion wedi'u cadarnhau o
gyfarfod Cyd-bwyllgor PGIAC a gynhaliwyd yn Gyhoeddus
Ddydd Mawrth 19 Medi 2023
Mewn Person a thrwy MS Teams**

Aelodau:

Kate Eden	(KE)	Cadeirydd, PGIAC
Sian Lewis	(SL)	Rheolwr Gyfarwyddwr, PGIAC
Carole Bell	(CB)	Cyfarwyddwr Ansawdd Nyrsio
Carolyn Donoghue	(CD)	Aelod Annibynnol, PGIAC
Iolo Doull	(ID)	Cyfarwyddwr Meddygol, PGIAC
Richard Evans	(RE)	Cyfarwyddwr Meddygol Gweithredol, BIP Bae Abertawe
James Leaves	(JL)	Cyfarwyddwr Cyllid a Gwybodaeth Dros Dro, PGIAC
Steve Moore	(SM)	Prif Swyddog Gweithredol, BIP Hywel Dda (drwy Teams)
Chantal Patel	(ChP)	Aelod Annibynnol, PGIAC
Nicola Prygodzicz	(NP)	Prif Swyddog Gweithredol, BIP Aneurin Bevan
Suzanne Rankin	(SR)	Prif Swyddog Gweithredol, BIP Caerdydd a'r Fro
Carol Shillabeer	(CS)	Prif Swyddog Gweithredol Dros Dro, BIP Betsi Cadwaladr (drwy Teams)
Steve Spill	(SS)	Aelod Annibynnol, PGIAC
Hayley Thomas	(HTh)	Prif Swyddog Gweithredol Dros Dro, Bwrdd Iechyd Addysgu Powys (drwy Teams)

Dirprwyon:

Linda Prosser	(LP)	Cyfarwyddwr Gweithredol Trawsnewid a Strategaeth, BIPCTM
---------------	------	--

Yn Bresennol:

Stuart Davies	(SD)	Rheolwr Rhaglen, PGIAC
Claire Harding	(CH)	Cyfarwyddwr Cynorthwyol Cynllunio, PGIAC
Stephen Harrhy	(SH)	Cyfarwyddwr Bwrdd / Prif Gomisiynydd y Gwasanaeth Ambiwylans, Datblygu Corfforaethol, UGCG a EASC (drwy Teams ar gyfer eitem 3.4 yn unig)
Nicola Johnson	(NJ)	Cyfarwyddwr Cynllunio, PGIAC
Jacqui Maunder-Evans	(JME)	Ysgrifennydd y Pwyllgor a Chyfarwyddwr Cyswllt Gwasanaethau Corfforaethol, PGIAC
Sian Morgan	(SMg)	Gwyddonydd Clinigol Ymgynghorol, Cyfarwyddwr Labordy Gwasanaeth Genomeg Feddygol Cymru Gyfan (AWMGs) (drwy Teams ar gyfer eitem 2.1 yn unig)
Karen Preece	(KP)	Cyfarwyddwr Rhaglen, Rhwydwaith Arennau Cymru

Ian Phillips	(IP)	Cadeirydd Annibynnol, Rhwydwaith Arennau Cymru (drwy Teams)
David Roberts	(DR)	Cyfarwyddwr Iechyd Meddwl a Grwpiau Agored i Niwed, PGIAC
Helen Tyler	(HT)	Pennaeth Llywodraethu Corfforaethol, PGIAC
Joanna Williams	(JW)	Cyfarwyddwr Rhaglen Gwasanaethau Ymosodiadau Iechyd Rhywiol Cymru, Canolfan Atgyfeirio Ymosodiadau Rhywiol (SARC) (drwy Teams ar gyfer eitem 3.4 yn unig)
Nick Wood	(NW)	Dirprwy Brif Weithredwr GIG Cymru, Grŵp Iechyd a Gwasanaethau Cymdeithasol, Llywodraeth Cymru (drwy Teams)

Yn Arsylwi

Kerryn Lutchman-Sing	(KLS)	Cyfarwyddwr Meddygol Cynorthwyol, PGIAC
Stacey Taylor	(ST)	Dirprwy Gyfarwyddwr Cyllid, Uned Cyflawni GIG Cymru

Ymddiheuriadau:

Paul Mears	(PM)	Prif Swyddog Gweithredol, BIP Cwm Taf Morgannwg
------------	------	---

Cofnodion:

Gemma Trigg	(GT)	Swyddog Llywodraethu Corfforaethol, PGIAC
-------------	------	---

Cyf y Cofnod	Eitem ar yr agenda
JC23/113	1.1 Croeso a Chyflwyniadau Croesawodd y Cadeirydd yr Aelodau yn Gymraeg a Saesneg a diolchodd i'r aelodau am ddod i swyddfeydd Gwasanaethau Iechyd Arbenigol Cymru (PGIAC) i gynnal y cyfarfod mewn person a chroesawodd y rhai a ymunodd â'r cyfarfod yn rhithiol. Dywedodd y Cadeirydd y byddai cyfarfodydd yn y dyfodol yn parhau i gael eu cynnal yn rhithiol drwy MS Teams tan y cyfarfod nesaf a drefnwyd mewn person ym mis Mawrth 2024. Atgoffodd y Cadeirydd yr Aelodau o bwrpas y Cyd-bwyllgor ac o werthoedd PGIAC, sef parch, partneriaeth, gwelliant ac arloesedd. Cafwyd cyflwyniadau a nododd yr aelodau fod Kerryn Lutchman-Sing, Cyfarwyddwr Meddygol Cynorthwyol PGIAC a Stacey Taylor, Uned Cyflawni GIG Cymru, yn bresennol fel arsylwyr. Nid oedd unrhyw wrthwynebiad i'r cyfarfod gael ei recordio at ddibenion gweinyddol. Nodwyd bod cworwm wedi'i gyflawni.

Cyf y Cofnod	Eitem ar yr agenda
JC23/114	1.2 Ymddiheuriadau am Absenoldeb Nodwyd ymddiheuriadau am absenoldeb fel yr uchod.
JC23/115	1.3 Datganiadau o Fuddiannau Nododd y Cyd-bwyllgor (CB) y datganiadau sefydlog. Cododd Chantal Patel (ChP) un Datganiad o dan Adroddiad y Cadeirydd yn ymwneud â phenodi'r Is-gadeirydd. Cytunwyd y byddai ChP yn gadael y cyfarfod ar gyfer Eitem 3.1. Ni wnaed datganiadau buddiant ychwanegol yn ymwneud â'r eitemau i'w trafod ar yr agenda.
JC23/116	1.4 Cofnodion y cyfarfodydd a gynhaliwyd ar 18 Gorffennaf 2023 ac ar 1 Awst 2023 a Materion yn Codi Derbyniwyd a chymeradwywyd cofnodion cyfarfod y CB a gynhaliwyd ar 18 Gorffennaf 2023 a'r cyfarfod Arbennig o'r CB a gynhaliwyd ar 1 Awst 2023 fel cofnod cywir a gwir o'r trafodaethau. Ni chodwyd unrhyw faterion.
JC23/117	1.5 Cofnodion Gweithredu Derbyniwyd y log gweithredu, a nododd yr aelodau'r cynnydd ar y camau gweithredu a amlinellir ar y log gweithredu a chymeradwyo 'r camau gweithredu a oedd wedi'u cau.
JC23/118	2.1 Diweddariad Genomeg Derbyniwyd y cyflwyniad yn amlinellu sut roedd Gwasanaeth Genomeg Feddygol Cymru Gyfan (AWMGS) yn arwain y ffordd ym meysydd Clefydau Anghyffredin, Canser, Fferyllogenomeg ac Iechyd Meddwl Genomeg. Roedd y cyflwyniad yn ymdrin â'r gwaith sy'n cael ei wneud o ran atal, diagnosis a thriniaethau wedi'u targedu sy'n cael eu defnyddio lle mae angen clinigol. Cyflwynodd Sian Morgan (SMg) y prif ddiweddariadau a nododd yr aelodau Gynllun Cyflawni Genomeg Cymru 2022-2025 a'r ffordd yr oedd maes Genomeg wedi trawsnewid diagnosteg a thriniaeth canser ac yn parhau i'w wneud. Nododd yr Aelodau mai nod AWMGS oedd darparu profi genomig teg ar gyfer gwell canlyniadau mewn canser a chlefydau anghyffredin gan alluogi rhagnodi meddygaeth fanwl a lleihau adweithiau niweidiol. Fodd bynnag, roedd y gwasanaeth mewn perygl o annhegwch oherwydd ailstrwythuro Genomeg o fewn GIG Lloegr (NHSE). Nododd yr aelodau fod hanes claf Craig Maxwell, tad 41 oed i ddau o blant, a gafodd ddiagnosis o ganser cam 4 yr ysgyfaint, wedi bod

Cyf y Cofnod	Eitem ar yr agenda
	yn codi proffil profi QuicDNA, ac wedi codi dros £350k tuag at wella diagnosis canser yng Nghymru. Amlygodd Suzanne Rankin (SR) mai dim ond y therapïau hynny a gymeradwywyd gan y Sefydliad Cenedlaethol dros Ragoriaeth mewn Iechyd a Gofal (NICE) oedd yn cael eu hariannu ar hyn o bryd, a phwysleisiodd yr heriau y mae Byrddau Iechyd yn eu hwynebu yn ariannol, ac o ran yr adnoddau i allu gwasanaethu'r llwybr. Awgrymodd SR fod angen ystyried yn fwy strategol sut roedd y cyfleoedd hyn yn cael eu comisiynu yng Nghymru er mwyn cofnodi'r gofynion ar draws y llwybr cyfan ac nid dim ond ar gyfer therapïau i leihau mynediad anghyfartal. Cytunodd Nick Wood (NW) fod achos cryf iawn dros ehangu yn y maes hwn a bod angen edrych ar y ffordd y cynhaliwyd profion ac ar fecanweithiau adrodd ar wasanaethau Genomeg yng Nghymru, a bod angen adolygu'r agenda diagnosteg ehangach. Amlygodd NW bwysigrwydd dwyn hyn at frig agenda pawb er mwyn galluogi newidiadau mewn triniaeth a diagnosis fel blaenoriaeth. Diolchodd ChP i SMg am y cyflwyniad addysgiadol a gofynnodd a oedd unrhyw faterion moesegol y byddai angen eu rheoli o ganlyniad i unrhyw ganfyddiadau deiliadol er enghraifft materion Y Rheoliad Cyffredinol ar Ddiogelu Data (GDPR), a pha fesurau a fyddai'n cael eu cymryd i liniaru'r materion hynny. Rhoddodd SMg sicrwydd y cynhaliwyd asesiadau effaith i ystyried unrhyw ffactorau cydymffurfio ehangach. Canmolodd Steve Moore (SM) y gwaith sy'n cael ei wneud gan y gwasanaeth a sut yr oedd yn creu posibilïadau iachael mewn maes lle nad oedd yr un o'r blaen. Holodd SM beth fyddai proffil buddsoddi meddygaeth fanwl yn y dyfodol, sut olwg allai fod ar therapiwteg uwch, pa gostau fyddai ynghlwm wrth edrych ar y llwybr cyfan, gan gynnwys yr holl wasanaethau diagnostig lleol, a sut y byddai mynd i'r afael â'r materion anghydraddoldeb i gynyddu ymwybyddiaeth o'r gwasanaethau a ddarperir a sut i gael mynediad atynt. Cefnogodd Nicola Prygodzicz (NP) y cynllun i godi'r proffil gyda phob Bwrdd Iechyd, a Llywodraeth Cymru (LIC) yn cymryd rhan, a'r angen i greu strategaeth patholeg glir a mynd i'r afael â materion y gweithlu i sicrhau y gellid gweithredu newidiadau. Gofynnodd Linda Prosser (LP) beth fyddai'r effaith ar wasanaethau traddodiadol a beth fyddai model y dyfodol yn ei olygu o ran

Cyf y Cofnod	Eitem ar yr agenda
	arbedion ac a ellid ymgorffori'r arbedion hynny yn y cynllunio ariannol. Dywedodd SR wrth aelodau y byddai'n rhaid i wasanaeth patholeg cenedlaethol integredig ystyried sut i ddefnyddio'r adnoddau presennol orau a byddai angen i wasanaeth patholeg gellog digidol fod ar waith er mwyn ymgorffori unrhyw wasanaeth patholeg. Esboniodd SR yr anhawster o ran y lefelau galw presennol ac arbedion yn y dyfodol gan y byddai'r therapïau newydd hyn yn symud cleifion o fod yn gleifion canser tymor byr i fod yn gleifion cyflwr tymor hir y gallai fod angen cymorth gydol oes arnynt ac felly y byddai'n troi'r lefelau galw presennol yn fath gwahanol o alw. Pwysleisiodd Stuart Davies (SD) y byddai rhai cyfleoedd i arbed costau mewn fferyllogenomeg gyda gweithredu profion DPYD yn arwain at arbediad posibl o £5m a chytunodd bod angen nodi effeithiau hirdymor canlyniadau gwell i gleifion. Nododd SMg fod Grŵp Oncoleg Glinigol Cymru Gyfan (AWCOG), yr oedd ei gylch gwaith i sicrhau llwybr teg Cymru gyfan o ran argymhellion profi ac addysg, yn cyfarfod yn rheolaidd gan gynnwys cynrychiolaeth gan Batholegwyr Celloedd Arweiniol o Orllewin, Gogledd a Dwyrain Cymru. Nododd yr aelodau fod canlyniadau canser yr ysgyfaint yng Nghymru yn un o'r gwaethaf yn Ewrop a'r angen brys i wella canlyniadau i gleifion. Diolchodd y Cadeirydd i SMg am rannu rhai o'r hanesion llwyddiant a'r cynnydd a wnaed gan y gwasanaeth. Penderfynodd y Cyd-bwyllgor: • Nodi'r cyflwyniad.
JC23/119	3.1 Adroddiad y Cadeirydd Derbyniwyd adroddiad y Cadeirydd a nododd yr aelodau: • Y Penodiad o Is-gadeirydd – Oherwydd Datganiad o Fuddiant ChP, gofynnwyd i ChP adael yr ystafell ar gyfer yr eitem hon. Cynigiodd y Cadeirydd, er mwyn sicrhau parhad busnes effeithiol ar gyfer PGIAC a'r Cyd-bwyllgor, y cynigiwyd penodi Chantal Patel, Aelod Annibynnol (AA), PGIAC i rôl ddi-dâl Is-gadeirydd y Cyd-bwyllgor, yn unol â Rheolau Sefydlog PGIAC, • Cadeirydd y Panel Cais Cyllido Cleifion Unigol (IPFR) - Yn dilyn cyfarfod Eithriadol y Cyd-bwyllgor a gynhaliwyd ar 1 Awst 2023, a gefnogodd y cais i fwrw ymlaen â recriwtio Cadeirydd panel Cais Cyllido Cleifion Unigol (IPFR) PGIAC ac

Cyf y Cofnod	Eitem ar yr agenda
	a gymeradwydd y pecyn taliadau arfaethedig, roedd y swydd bellach wedi'i hysbysebu yn dilyn oedi cynharach. Y nod oedd penodi Cadeirydd IPFR parhaol erbyn diwedd mis Hydref 2023. Roedd trefniadau dros dro wedi'u rhoi ar waith ar gyfer cyfarfodydd yn ystod mis Hydref 2023; • Cadeirydd y Pwyllgor Ansawdd a Diogelwch Cleifion – Roedd Carolyn Donoghue (CD), Aelod Annibynnol, PGIAC wedi ymgymryd â rôl Cadeirydd Pwyllgor Ansawdd a Diogelwch Cleifion PGIAC a bydd yn mynychu ei chyfarfod cyntaf fel Cadeirydd ym mis Hydref 2023; a • Cyfarfodydd allweddol a fynychwyd. Cafwyd diweddariad hefyd gan y Cadeirydd ar Sefydlu Panel Rheoli Swyddi Gwag PGIAC/Pwyllgor Gwasanaethau Ambiwylans Brys (EASC) ar ôl i'r ddau dderbyn llythyr a anfonwyd ar ran y Prif Weithredwyr yn datgan bod rhaid atal recriwtio ar unwaith. Nododd yr Aelodau, er nad oedd y cais hwn yn gydnaws â'r trefniadau llywodraethu ar gyfer y Cyd-bwyllgor, cytunwyd y byddai PGIAC ac EASC yn sefydlu Panel Rheoli Swyddi Gwag ar y cyd, sy'n gydnaws ag un BIPCTM ond a oedd hefyd yn ymatebol i anghenion y ddau gorff. Penderfynodd y Cyd-bwyllgor: • Nodi'r adroddiad, • Nodi'r diweddariad ar recriwtio Cadeirydd y Panel Cais Cyllido Cleifion Unigol (IPFR), • Cymeradwyo penodi Chantal Patel yn Is-gadeirydd Cyd-bwyllgor PGIAC; a • Nodi sefydlu Panel Rheoli Swyddi Gwag PGIAC / EASC.
JC23/120	3.2 Adroddiad y Rheolwr Gyfarwyddwr Derbyniwyd Adroddiad y Rheolwr Gyfarwyddwr a nododd yr aelodau y diweddariadau canlynol: • Cynnydd ar Rwydwaith Cyflawni Gweithredol Newyddenedigol De Cymru - Cytunwyd ar gyllid ar gyfer Rhwydwaith Cyflawni Gweithredol Cludiant Newyddenedigol De Cymru yng nghyfarfod y Cydbwyllgor ar 14 Mawrth 2023 ac mae cyllid wedi'i ryddhau. Fodd bynnag, nid yw'r broses recriwtio wedi digwydd eto yn unol â gweithredu'r dull o atal buddsoddiadau nas cyflawnwyd ar gyfer y flwyddyn ariannol hon. Bydd PGIAC yn adolygu'r angen a/neu'r gwahanol opsiynau ar gyfer cyflawni'r cynllun yn 2024-2025. Bydd y cynllun hwn nawr yn cael ei ystyried yn y broses ar gyfer blaenoriaethu'r holl wariant nas cyflawnwyd ac roedd PGIAC

Cyf y Cofnod	Eitem ar yr agenda
	wedi gofyn am ragor o wybodaeth gan BIP Bae Abertawe (BIPBA), y Bwrdd Iechyd sy'n darparu, i lywio'r gwerthusiad, • Diweddariad Ffrwythlondeb - Datblygu polisi PGIAC: - CP37 Profi Genetig Cyn-mewnblannu - Anhwylderau Monogenig, Polisi Comisiynu - CP38, Gwasanaethau Ffrwythlondeb Arbenigol: Meddygaeth Atgenneddiol â Chymorth, Polisi Comisiynu - Cyfarfu tîm PGIAC â Llais ar 31 Awst 2023 i drafod y camau nesaf ynghylch datblygu'r polisi. Dywedodd PGIAC wrth Llais oherwydd yr ansicrwydd ynghylch effaith unrhyw newidiadau polisi ar y gyllideb, mae heriau ariannol presennol y GIG yng Nghymru yn golygu bod datblygu polisi wedi cael ei atal. Roedd cydweithwyr yn Llais yn deall yr her ariannol a'r dewisiadau anodd sy'n wynebu PGIAC a'r Byrddau Iechyd. Roedd cyfarfod diweddar pellach wedi'i drefnu ar gyfer diwedd mis Medi 2023; a • Rhwydwaith Asgwrn Cefn De Cymru (SWSN) - Yn dilyn trafodaethau yng Ngrŵp Gweithredol Cydweithredol Iechyd GIG Cymru (CEG), roedd Bwrdd Iechyd Prifysgol Caerdydd a'r Fro a Phartneriaeth Cynllunio Darparwyr Gwasanaethau Rhanbarthol ac Arbenigol BIPBA (RSSPPP) wedi sefydlu prosiect i ddatblygu model gwasanaeth newydd, i egluro'r model rhanbarthol ar gyfer De-ddwyrain a De-orllewin Cymru yn y drefn honno, yn ogystal â'r model uwch-ranbarthol ar gyfer De Cymru, Gorllewin Cymru a De Powys. Lansiwyd y prosiect ym mis Hydref 2020, gyda'r nod o ddatblygu argymhellion ar gyfer darparu model diogel, effeithiol a chynaliadwy ar gyfer llawdriniaeth asgwrn cefn yn Ne a Gorllewin Cymru. Cymeradwywyd a chyhoeddwyd y fanyleb gwasanaeth ar gyfer y Rhwydwaith Cyflawni Gweithredol (CP241, Rhwydwaith Cyflawni Gweithredol Gwasanaethau Asgwrn Cefn) gan PGIAC ym mis Mehefin 2022. Cynigiodd a chytunodd Bwrdd Gweithredu Rhwydwaith Asgwrn Cefn De Cymru (SWSN) yn y cyfarfod a gynhaliwyd ar 6 Mehefin 2023 y bydd SWSN yn lansio ym mis Medi 2023. Roedd y tîm rhwydwaith yn parhau i weithio gyda'r holl Fyrddau Iechyd a darparwyr cyn-ysbyty i sicrhau y bydd pob rhan o'r rhwydwaith yn barod i fynd yn fyw ar 25 Medi 2023. Penderfynodd y Cyd-bwyllgor: • Nodi'r adroddiad; a • Nodi y bydd Rhwydwaith Asgwrn Cefn De Cymru (SWSN) yn mynd yn fyw ar 25 Medi 2023.
JC23/121	3.3 Datblygu'r Cynllun Comisiynu Integredig (ICP) 2024/2025

Cyf y Cofnod	Eitem ar yr agenda
	Derbyniwyd yr adroddiad sy'n cynnig sicrwydd ynghylch datblygu Cynllun Comisiynu Integredig (ICP) 2024/2025 a'r dull o'i ddatblygu yng nghyd-destun sefyllfa ehangach GIG Cymru. Nododd yr Aelodau fod y broses ar y trywydd iawn yn unol â'r amserlen a gyflwynwyd i'r CB ym mis Mai 2023 a bydd drafft cychwynnol yn cael ei gyflwyno i gyfarfod y CB ar 21 Tachwedd 2023. Nododd yr Aelodau fod y Cynllun Blynnyddol ar gyfer PGIAC yn cael ei baratoi yn unol â'r newidiadau i'r mesurau Gweinidogol ac y byddai'n rhan o'r datganiad etifeddiaeth sy'n cefnogi sefydlu'r Cyd-bwyllgor Comisiynu newydd. Nododd yr Aelodau y byddai'r opsiynau gwella ariannol manwl yn cael eu cyflwyno i'r sesiwn gyfarfod "Mewn Pwyllgor" y diwrnod hwnnw ac y byddai'r broses o flaenoriaethu ar gyfer eleni yn cynnwys prosesau asesu risg manwl gan ddefnyddio'r dysgu o'r blynnyddoedd blaenorol o gyni cyllidol. Bydd canlyniadau'r asesiadau risg hynny'n cael eu cyflwyno i'r cyfarfod CB ym mis Tachwedd. Penderfynodd y Cyd-bwyllgor: • Nodi'r adroddiad, • Derbyn sicrwydd ar y broses gynllunio hyd yma a oedd yn unol â'r amserlen a dderbyniwyd gan y Cyd-bwyllgor ym mis Mai 2023; a • Nodi'r dull a gymerir i ymateb i gyd-destun sefyllfaol GIG Cymru, gan gynnwys asesiad risg uwch.
JC23/122	3.4 Canolfannau Atgyfeirio Ymosodiadau Rhywiol De Cymru (SARC) Papur Briffio Gweithredu Model Rhanbarthol Derbyniwyd yr adroddiad sy'n rhoi'r wybodaeth ddiweddaraf am weithredu Rhaglen Ranbartholi Canolfannau Atgyfeirio Ymosodiadau Rhywiol De Cymru (SARC) yn dilyn cymeradwyo'r Achos Busnes yn 2019, ac a gynigiodd fod Cyd-bwyllgor PGIAC yn cyflawni'r swyddogaeth adrodd Prif Swyddog Gweithredol ar gais Prif Weithredwyr GIG Cymru; ac a ofynnodd i'r Cyd-bwyllgor roi cymeradwyaeth derfynol ar gyfer Cam 1 o weithredu'r Rhaglen. Croesawodd y Cadeirydd Stephen Harrhy (SH), Cyfarwyddwr Bwrdd / Prif Gomisiynydd y Gwasanaeth Ambiwylans, Datblygu Corfforaethol, UGCG ac EASC a Joanna Williams (JW), Cyfarwyddwr Rhaglen Gwasanaethau Ymosodiadau Iechyd Rhywiol Cymru (SARC) a oedd yn bresennol i gyflwyno'r adroddiad. Nododd yr Aelodau fod y sesiwn friffio wedi'i chymryd yn flaenorol drwy'r Fforwm Arweinyddiaeth Gydweithredol a dderbyniodd

Cyf y Cofnod	Eitem ar yr agenda
	ddiweddariadau rheolaidd ar y rhaglen ranbartholi a bod y tri Heddlu yn Ne Cymru a Chomisiynwyr yr Heddlu a Throseddau wedi cytuno ar y model a ffefrir ac wedi cymeradwyo'r cyfraniad cyllid o 50% ar gyfer cam 1. Nododd yr Aelodau fod y gwasanaeth SARC sy'n cael ei weithredu wedi'i achredu gan ISO sy'n golygu y gellid darparu tystiolaeth i ddioddefwyr y gellid ei chymryd drwy'r llys. Gellid ystyried tystiolaeth yn annerbyniol gan lys pe na bai wedi'i chymryd o gyfleuster achrededig ISO, a allai beryglu unrhyw euogfarn bosibl. Cadarnhaodd Stephen Harrhy (SH) y llwybr llywodraethu a hysbysodd yr aelodau fod y codiad y gofynnwyd am gymeradwyaeth y Byrddau Iechyd amdano eisoes wedi'i gynnwys yn eu cynlluniau ariannol. Holodd CD a oedd yr achrediad ISO ar drywydd i gael ei gytuno erbyn dyddiad cau Hydref 2023. Cadarnhaodd SH fod y gwaith o flaen yr amser, a rhoddodd sicrwydd y byddai'r achrediad ISO yn cael ei roi ym mis Hydref. Holodd NP pa gynllun ariannol y mae'r cyllid ynddo a chadarnhaodd James Leaves (JL) fod y ddarpariaeth ar gyfer rhyddhau cyllid am y flwyddyn wedi cael ei chasglu o'r Byrddau Iechyd trwy EASC ac y byddai'r llithriant o hynny yn dechrau dangos yn y dyfodol. Cytunodd SH i ddarparu llythyr eglurhaol ar gyfer yr adroddiad a gyflwynwyd i'r Byrddau Iechyd yn amlinellu'r broses lywodraethu a'r cadarnhad am eglurder pellach. Cam Gweithredu – SH i ddrafftio adroddiad i'w gyflwyno i'r Byrddau Iechyd i gymeradwyo'r model Rhaglen Ranbartholi Canolfannau Atgyfeirio Ymosodiadau Rhywiol De Cymru (SARC) wedi'i ddiweddarau. Holodd SR a oedd pob adroddiad yn ymwneud â'r SARC yn mynd trwy'r Grŵp Comisiynu a Chyllid, cadarnhaodd SH fod pob adroddiad yn mynd trwy'r llwybr hwnnw. Dywedodd SH wrth aelodau y byddai gwerthusiad yn cael ei gynnal cyn symud ymlaen ac y bydd adolygiadau rheolaidd yn cael eu hymgorffori. Cadarnhaodd Karen Preece (KP) fod y SARC yn un o'r gwasanaethau y bydd y Cyd-bwyllgor newydd yn eu comisiynu ac y bydd yn goruchwylio rheoli perfformiad, bydd manyleb gwasanaeth a

Cyf y Cofnod	Eitem ar yr agenda
	gwerthusiad yn cael eu dwyn drwy'r broses arferol i'w cymeradwyo, gan ddarparu mwy o eglurder a strwythur ynghylch y llywodraethu a'r adolygiadau. Holodd ChP am y dyddiad 1 Ebrill 2023 sydd wedi'i nodi o fewn argymhellion yr adroddiad a chadarnhaodd SH y byddai'n cael ei newid i fis Medi 2023 cyn ei gyflwyno i'r Byrddau Iechyd i sicrhau nad oedd yn cael ei adrodd yn ôl-weithredol. CAM GWEITHREDU: SH i ddrafftio briff ar wahân i'r Byrddau Iechyd yn crynhoi ac yn egluro'r trefniadau ariannol ar gyfer Cam 1. Penderfynodd y Cyd-bwyllgor: • Nodi'r adroddiad, • Cymeradwyo'r model Rhaglen Ranbartholi Canolfannau Atgyfeirio Ymosodiadau Rhywiol De Cymru (SARC) wedi'i ddiweddarau, cyn cyflwyno adroddiad i'r saith Bwrdd Iechyd am gymeradwyaeth derfynol, • Ystyried a chymeradwyo y bydd Cyd-bwyllgor PGIAC yn cyflawni swyddogaeth adrodd Prif Swyddog Gweithredol y rhaglen ar unwaith, cyn cyflwyno adroddiad i'r saith Bwrdd Iechyd am gymeradwyaeth derfynol, • Argymell i'r Byrddau Iechyd gymeradwyo codiad cyllid o £347k am y flwyddyn a chyllid blwyddyn lawn rheolaidd o hyd at £506k erbyn 2025/26 ar gyfer cam 1 gweithredu'r Rhaglen Ranbartholi SARC, cyn cyflwyno adroddiad i'r saith Bwrdd Iechyd am gymeradwyaeth derfynol; ac • Argymell i'r Byrddau Iechyd gymeradwyo parhau'r cyllid ar gyfer Cam 2 ar y lefel gyfredol cyn cyflwyno adroddiad i'r saith Bwrdd Iechyd am gymeradwyaeth derfynol.
JC23/123	3.5 Adolygiad Comisiynu Cenedlaethol Llywodraeth Cymru Diweddariad Derbyniwyd diweddariad llafar yn amlinellu cynnydd adolygiad Comisiynu Cenedlaethol Llywodraeth Cymru (LIC). Nododd yr Aelodau fod strwythur y rhaglen bellach ar waith i gyflawni'r holl argymhellion a gymeradwywyd gan y Gweinidog. Roedd y cyfarfod cyntaf o'r Bwrdd Gweithredu Adolygiad Comisiynu Cenedlaethol i fod i gael ei gynnal yn syth ar ôl cyfarfod Cyd-bwyllgor PGIAC heddiw. Holodd Carole Shillabeer (CS) am ymgysylltiad y Cadeiryddion ac am y broses atebolrwydd a oedd ar waith. Cadarnhaodd KP y byddai

Cyf y Cofnod	Eitem ar yr agenda
	cyfathrebu ffurfiol yn dod oddi wrth Samia Edmonds (SE), Cyfarwyddwr Cynllunio a Pherfformiad, Llywodraeth Cymru yn rhinwedd ei swydd fel Cadeirydd y Bwrdd Goruchwyllo. Yn ystod y Bwrdd Goruchwyllo diwethaf, cytunwyd y byddai SE yn mynychu cyfarfod o'r Grŵp Cadeiryddion yn y dyfodol i gael ei hysbysu ymhellach. Penderfynodd y Cyd-bwyllgor: • Nodi'r diweddariad llafar.
JC23/124	3.6 Un Comisiynydd ar gyfer Gwasanaethau Iechyd Meddwl Diogel Dogfen Cychwyn Prosiect (PID) Derbyniwyd yr adroddiad sy'n cyflwyno'r Ddogfen Cychwyn Prosiect (PID) ar gyfer y Model Un Comisiynydd ar gyfer Gwasanaethau Iechyd Meddwl Diogel ochr yn ochr â'r Cylch Gorchwyl (ToR) er gwybodaeth. Cododd NP rai pryderon ynghylch comisiynu a rheoli gweithredol a lle'r oedd y cyfrifoldeb yn dechrau ac yn dod i ben. Rhoddodd DR sicrwydd y byddai llinellau cyfrifoldeb clir yn cael eu pennu wrth i'r prosiect gael ei ddatblygu ar lefel weithredol. Penderfynodd y Cyd-bwyllgor: • Nodi'r adroddiad; a • Chefnogi'r argymhelliad i gychwyn y prosiect i ddatblygu Model Un Comisiynydd ar gyfer Gwasanaethau Iechyd Meddwl Diogel.
JC23/125	3.7 Diwygio Terfynau Dirprwyedig Ariannol Derbyniwyd yr adroddiad sy'n cyflwyno'r newidiadau arfaethedig i'r terfynau ariannol ar gyfer Ceisiadau Cyllido Clefion Unigol (IPFR). Holodd Hayley Thomas (HTh) am y nifer fawr yn 2022-23 a oedd o dan £50k a gofynnodd am ddadansoddiad pellach ar gyfer y ceisiadau hynny. Cytunodd JL i rannu gwybodaeth bellach yn dilyn y cyfarfod. CAM GWEITHREDU: JL i rannu gyda'r Cyd-bwyllgor manylion ychwanegol am Geisiadau Cyllido Clefion Unigol o dan £50k a gymeradwywyd ar gyfer 2022-23. Penderfynodd y Cyd-bwyllgor: • Nodi'r adroddiad; a

Cyf y Cofnod	Eitem ar yr agenda
	• Chymeradwyo'r newidiadau y gofynnwyd amdanynt i'r terfynau ariannol ar gyfer cymeradwyo Ceisiadau Cyllido Cleifion Unigol (IPFR).
JC23/126	3.8 Rheolau Sefydlog Model PGIAC – Fframwaith Llywodraethu ac Atebolrwydd Derbyniwyd yr adroddiad sy'n rhoi'r wybodaeth ddiweddaraf am Reolau Sefydlog Model PGIAC a'r Fframwaith Llywodraethu ac Atebolrwydd. Nododd yr Aelodau fod LIC wedi cyhoeddi newidiadau yr oedd gofyn i PGIAC eu mabwysiadu ac ar ôl eu cymeradwyo, byddant yn cael eu cyflwyno i'r Byrddau Iechyd i'w cymeradwyo ac i'w cynnwys fel Atodlen 4.1 yn eu Rheolau Sefydlog eu hunain. Bydd yr adroddiad yn cael ei gyflwyno i Bwyllgor Archwilio a Sicrwydd Risg CTM er mwyn cael sicrwydd ym mis Hydref 2023. Penderfynodd y Cyd-bwyllgor: • Nodi'r adroddiad, • Cymeradwyo'r newidiadau arfaethedig i Reolau Sefydlog PGIAC, cyn eu cyflwyno i'r saith Bwrdd Iechyd i'w cymeradwyo a'u cynnwys fel atodlen 4.1 yn Rheolau Sefydlog eu Bwrdd Iechyd eu hunain, • Cymeradwyo'r newidiadau arfaethedig i Gyfarwyddiadau Ariannol Sefydlog PGIAC cyn eu cyflwyno i'r saith Bwrdd Iechyd i'w cymeradwyo a'u cynnwys fel atodlen 4.1 Atodiad 2.1 o fewn Rheolau Sefydlog eu Bwrdd Iechyd priodol; a • Nodi nad oedd unrhyw newidiadau i'r Memorandwm Cytundeb (MoA).
JC23/127	4.1 Adroddiad Perfformiad PGIAC Derbyniwyd yr adroddiad yn rhoi crynodeb o berfformiad gwasanaethau PGIAC syn cael eu comisiynu a nododd yr aelodau'r newidiadau a oedd wedi digwydd ers y cyfarfod diwethaf, gan gynnwys: • Roedd y Gwasanaeth Iechyd Meddwl Plant a'r Glasoed (CAHMS) yn Nhŷ Lliardiard wedi cael ei ddad-ddwysáu diolch i'r gwaith caled a wnaed gan y Pwyllgor a'r Timau Gweithredol a Chlinigol, • Roedd gwasanaethau ffrwythlondeb wedi'u dwysáu ar hyn o bryd, • Roedd Gofal Dwys Paediatrig a Gwasanaethau Newyddenedigol yn cael eu hystyried drwy'r fframwaith dwysáu, a darperir rhagor o wybodaeth yn yr Adroddiad Perfformiad nesaf; a • Roedd y Gwasanaeth Llawdriniaeth Blastig yn Ne Cymru wedi'i ddwysáu a hwn oedd yr unig wasanaeth gydag

Cyf y Cofnod	Eitem ar yr agenda
	amseroedd aros presennol dros 104 wythnos ar gyfer triniaeth cleifion mewnol. Holodd ChP a oedd materion Sefydliad Ffrwythlondeb Cymru (WFI) yr un materion a godwyd yn flaenorol. Cadarnhaodd Sian Lewis (SL) fod nifer o faterion hanesyddol heb eu datrys ac y byddai rhagor o wybodaeth yn cael ei chyflwyno i gyfarfodydd Pwyllgor Ansawdd a Diogelwch Cleifion (QPSC) PGIAC. Sicrhaodd SL yr aelodau bod PGIAC yn gweithio gyda'r darparwr i geisio mynd i'r afael â'r materion hyn. Penderfynodd y Cyd-bwyllgor: • Nodi’r adroddiad.
JC23/128	4.2 Adroddiad ar Berfformiad Ariannol Mis 4 2023-2024 Derbyniwyd yr Adroddiad Perfformiad Ariannol yn nodi sefyllfa ariannol PGIAC ar gyfer mis 4 2023-2024 a nododd yr aelodau'r sefyllfa ariannol a adroddwyd yn erbyn llinellau sylfaen 2023-2024 yn dilyn cymeradwyo Cynllun Comisiynu Integredig PGIAC 2023-2026 gan y Cyd-bwyllgor ym mis Chwefror 2023. Roedd y sefyllfa ariannol am y flwyddyn hyd yn hyn ar gyfer PGIAC yn adrodd ym Mis 4 gorwariant yn erbyn cynllun ariannol y Cynllun Comisiynu Integredig o £1.069m a gorwariant diwedd blwyddyn a ragwelir o £0.767m. Penderfynodd y Cyd-bwyllgor: • Nodi cynnwys yr adroddiad gan gynnwys sefyllfa ariannol y flwyddyn hyd yn hyn a'r sefyllfa a ragwelir ar gyfer diwedd y flwyddyn.
JC23/129	4.3 Adroddiad Grŵp Sicrwydd Cyflenwi Cludiant Newyddenedigol De Cymru (Ebrill – Mehefin 2023) Derbyniwyd yr adroddiad yn rhoi crynodeb o adroddiad chwarterol Grŵp Sicrwydd Cyflenwi Cludiant Newyddenedigol De Cymru (DAG) ar gyfer 1 Ebrill 2023 – 30 Mehefin 2023 a nododd yr aelodau y byddai'r wybodaeth fanwl yn cael ei chyflwyno i sesiwn "Mewn Pwyllgor" y Cyd-bwyllgor. Penderfynodd y Cyd-bwyllgor: • Nodi uchafbwyntiau adroddiad DAG Cludiant Newyddenedigol Ch1, • Nodi y byddai'r adroddiad llawn yn cael ei rannu "Mewn Pwyllgor" oherwydd y posibilrwydd y gellir adnabod cleifion o'r data; a

Cyf y Cofnod	Eitem ar yr agenda
	Derbyn sicrwydd bod craffu ar gyflenwi gwasanaeth Cludiant Newyddenedigol a'i ganlyniadau gan y Grŵp Sicrwydd Cyflenwi (DAG).
JC23/130	4.4 Adroddiad Grŵp Sicrwydd Cyflenwi Rhwydwaith Trawma De Cymru (Ch1) Derbyniwyd yr adroddiad sy'n rhoi crynodeb o adroddiad Chwarter 1 2023/24 Grŵp Sicrwydd Cyflenwi (DAG) Rhwydwaith Trawma Mawr De Cymru (SWTN). Nododd yr Aelodau'r diweddariadau allweddol canlynol; - Sbardunwyd Adolygiad Porth 5 gan y Prif Berchennog Cyfrifol (SRO) ac roedd amserlenni yn cael eu trafod gyda thîm adolygu LIC, - Roedd y Rhwydwaith Ymchwil Archwilio Trawma (TARN) wedi bod yn destun ymosodiad seiber ac fel mesur rhagofalus; roedd cronfa ddata rhwydwaith TARN wedi'i chymryd oddi ar-lein. Nid oedd tystiolaeth bod data TARN wedi'i beryglu; ac - Roedd gweithgarwch a'r defnydd o'r Ganolfan Trawma Mawr wedi cael eu hychwanegu at adroddiadau DAG ac roedd gwaith pellach yn cael ei wneud gan PGIAC ar y trefniadau rhannu risg yng nghyd-destun y broses Cynllun Comisiynu Integredig (ICP). Roedd adroddiad yn cael ei baratoi ar gyfer cyfarfod y Grŵp Rheoli fis Hydref 2023 a fydd yn cwmpasu trefniadau sicrwydd cyflenwi, comisiynu a rheoli perfformiad ar gyfer Rhwydweithiau Cyflawni Gweithredol. Amlygodd CD y pryder ynghylch colli data, a allai arwain at effaith enfawr ar werthuso a chanlyniadau clinigol. Gofynnodd NP a HTh am i adroddiadau yn y dyfodol gynnwys gwybodaeth fanylach ynghylch gwerthuso, canlyniadau a gwybodaeth am farwolaethau. CAM GWEITHREDU: Cynnwys manylion ychwanegol ynghylch gwerthuso, gwybodaeth am farwolaethau a chanlyniadau wrth adrodd yn y dyfodol. Penderfynodd y Cyd-bwyllgor Nodi Adroddiad llawn DAG Rhwydwaith Trawma Mawr De Cymru (SWTN) a'r uchafbwyntiau sydd wedi'u cynnwys yn yr adroddiad eglurhaol.
JC23/131	4.5 Strategaeth Gwasanaethau Paediatrig Arbenigol – Adroddiad Cryno'r Bwrdd Gweithredu

Cyf y Cofnod	Eitem ar yr agenda
	Derbyniwyd yr adroddiad sy'n rhoi'r wybodaeth ddiweddaraf am weithredu'r Strategaeth Gwasanaethau Pediatrig Arbenigol a nododd yr aelodau'r gwelliannau a oedd wedi'u rhoi ar waith. Penderfynodd y Cyd-bwyllgor: • Nodi'r adroddiad a'r cynnydd a wnaed.
JC23/132	4.6 Adroddiad Cynnydd Rhaglen PET Cymru Gyfan Derbyniwyd yr adroddiad sy'n rhoi'r wybodaeth ddiweddaraf am y cynnydd a wnaed gan Raglen Tomograffeg Allyrru Positronau (PET) Cymru Gyfan a nododd yr aelodau fod cynnydd yn cael ei wneud yn unol â'r amserlen a gynlluniwyd, a'r prif fater sy'n weddill oedd cadarnhad o gyllid cyfalaf gan LIC. Penderfynodd y Cyd-bwyllgor: • Nodi'r cynnydd a wnaed gan Raglen Tomograffeg Allyrru Positronau (PET) Cymru Gyfan a'i phrosiectau a'i ffrydiau gwaith cysylltiol.
JC23/133	4.7 Adroddiad Materion Llywodraethu Corfforaethol Derbyniwyd yr adroddiad yn rhoi'r wybodaeth ddiweddaraf am Faterion Llywodraethu Corfforaethol ers y cyfarfod blaenorol. Nododd yr Aelodau, ers i'r adroddiad gael ei ysgrifennu, fod grŵp gorchwyl a gorffen wedi'i sefydlu sy'n adrodd i Grŵp Ysgrifenyddion Bwrdd GIG Cymru i symud ymlaen â datblygiad polisi IPFR Cymru Gyfan gyda'r nod o gyflwyno adroddiad wedi'i ddiweddarau i'r CB ym mis Tachwedd 2023. Hysbysodd Jacqueline Maunder-Evans (JME) yr aelodau y byddai cynrychiolydd o Archwilio Cymru yn ymuno â Chyfarfod y Cydbwyllgor ym mis Tachwedd i roi'r wybodaeth ddiweddaraf am y cynnydd yn erbyn yr argymhellion yn Adroddiad "Trefniadau Llywodraethu Pwyllgor PGIAC" Archwilio Cymru. Penderfynodd y Cyd-bwyllgor: • Nodi'r adroddiad,
JC23/134	4.8 Adroddiadau'r Is-bwyllgorau ar y cyd Derbyniwyd adroddiadau'r Is-bwyllgorau'r ar y cyd fel a ganlyn: 4.8.1 Adroddiad Sicrwydd y Pwyllgor Archwilio a Risg Nododd y CB yr adroddiad sicrwydd o gyfarfod Pwyllgor Archwilio a Risg BIPCTM a gynhaliwyd ar 16 Awst 2023. 4.8.2 Dogfennau Briffio'r Grŵp Rheoli

Cyf y Cofnod	Eitem ar yr agenda
	Nododd y Cydbwyllgor y dogfennau briffio craidd o'r cyfarfodydd a gynhaliwyd ar 27 Gorffennaf 2023 ac ar 24 Awst 2023. 4.8.3 Panel Ceisiadau Cyllido Cleifion Unigol (IPFR) Nododd y JC adroddiad y Cadeirydd o'r cyfarfod a gynhaliwyd ar 17 Awst 2023. Nododd yr Aelodau fod yr hysbyseb ar gyfer swydd wag Cadeirydd IPFR wedi mynd allan. 4.8.4 Pwyllgor Llywodraethu Integredig (IGC) Nododd y CB adroddiad y Cadeirydd o'r cyfarfod a gynhaliwyd ar 15 Awst 2023. 4.8.5 Pwyllgor Ansawdd a Diogelwch Cleifion (QPSC) Nododd y Cydbwyllgor adroddiad y Cadeirydd o'r cyfarfod a gynhaliwyd ar 16 Awst 2023 a'r crynodeb o'r gwasanaethau sydd wedi'u dwysáu a oedd ynghlwm fel atodiad. Nododd yr Aelodau y pryderon a godwyd yng ngwasanaethau allgymorth Plastigau ac roedd y dwysáu yn cael ei gymryd trwy LIC. Dywedodd KP wrth aelodau nad oedd swydd Rheolwr Rhwydwaith, Rhwydwaith Arennau Cymru wedi cael ei hysbysebu fel y cynlluniwyd. Penderfynodd y Cyd-bwyllgor: • Nodi'r adroddiadau.
JC23/135	5.1 Unrhyw Fusnes Arall • Uned Mamau a Babanod Swydd Gaer a Wirral – Nododd yr Aelodau fod contractwr wedi ei enwi a bod disgwyl cychwyn ar y safle cyn y Nadolig. Roedd disgwyl i'r gwaith recriwtio ddechrau ym mis Ebrill 2024 gyda'r bwriad y bydd yr uned newydd yn weithredol erbyn 1 Hydref 2024; ac • Adroddiad Blynyddol PGIAC – nododd yr aelodau y byddai Adroddiad Blynyddol PGIAC yn cael ei ddosbarthu drwy e-bost i'w gymeradwyo a'i ddwyn yn ôl i gyfarfod mis Tachwedd i'w gadarnhau.
JC23/136	5.2 Dyddiad y Cyfarfod Nesaf (Wedi'i Drefnu) Nododd y Cyd-bwyllgor y byddai'r cyfarfod nesaf wedi'i drefnu yn cael ei gynnal ar 21 Tachwedd 2023. Gan nad oedd unrhyw fater arall heblaw am yr uchod, daethpwyd â'r cyfarfod i ben am 11:02 o'r gloch.
JC23/137	5.3 Penderfyniad Mewn Pwyllgor

Cyf y Cofnod	Eitem ar yr agenda
	Argymhellir bod y Cyd-bwyllgor yn gwneud y penderfyniad canlynol: "Dylid eithrio cynrychiolwyr y wasg ac aelodau eraill o'r cyhoedd am weddill y cyfarfod o ystyried natur gyfrinachol yr hyn a drafodir, lle byddai rhoi cyhoeddusrwydd i'r hyn a drafodir yn niweidiol i fudd y cyhoedd" (Adran 1 (2) Deddf Cyrff Cyhoeddus (Derbyn i Gyfarfodydd) 1960)".

Llofnod y Cadeirydd:

Dyddiad:.....

CADARNHAWYD